



***Isključivo za medije, nije službeni dokument**

Biografija

MERSUDIN PRUŽAN – TUŽILAC TUŽILAŠTVA BiH

Mersudin Pružan je rođen 23.11.1974. godine u Travniku, Bosna i Hercegovina. Diplomirao je na Pravnom fakultetu u Sarajevu 2001. godine, a magistrirao na postdiplomskom studiju Univerziteta u Sarajevu i Univerziteta u Bolonji iz oblasti evropskog prava 2005. godine. Pravosudni ispit je položio 2006. godine. Profesionalnu karijeru je započeo kao pravnik Američkog komiteta za izbjeglice 2002. godine. Nakon toga je radio u Nezavisnoj pravosudnoj komisiji pri Uredu visokog predstavnika do 2004. godine, a zatim je imenovan za zamjenika disciplinskog tužioca pri Visokom sudskom i tužilačkom vijeću Bosne i Hercegovine, te je jedno vrijeme obavljao i dužnost glavnog disciplinskog tužioca VSTV-a BiH, a sve do 2010. godine. U periodu između 2006. i 2010. godine bio je predstavnik Bosne i Hercegovine u CEPEJ-u (Komisija za efikasnost pravosuđa Vijeća Evrope).

Tokom 2010. i 2011. godine radio je kao advokat u advokatskoj kancelariji u Sarajevu nakon čega je imenovan na mjesto tužioca Kantonalnog tužilaštva Srednjobosanskog kantona, gdje je obavljao dužnost od 1.6.2011. godine do 31.8.2016. godine.

Za tužioca Tužilaštva BiH imenovan je odlukom Visokog sudskog i tužilačkog vijeća BiH te je dužnost preuzeo 1.9.2016. godine.

Edukator je pri Agenciji za državnu službu Bosne i Hercegovine iz oblasti etike, kodeksa i evropskih integracija od 2009. godine, te je edukator pri Centru za edukaciju sudija i tužilaca u Federaciji BiH.

Aktivno govori engleski jezik.